

萬有文庫

第一集一千種

王雲五主編

回教民族運動史

陳捷著

商務印書館發行



回教民族運動史

陳捷著

江苏工业学院图书馆
藏书章

新時代史地叢書

回教民族運動史目次

緒言

..... 一

第一章 回教民族之興起及其分佈

..... 二

第一節 回教國之略史

..... 二

第二節 回教民族之分佈

..... 五

第二章 土耳其之屈辱

..... 一

第一節 土耳其之建國

..... 一

第二節 俄人之南侵

..... 一三

第三節	列強共同防俄·····	一八
-----	-------------	----

第四節	俄德勢力之消長·····	二三
-----	--------------	----

第五節	少年土耳其黨執政時之厄運·····	三〇
-----	-------------------	----

第三章	其他回教國之衰亡·····	三六
-----	---------------	----

第一節	布哈拉基華浩罕之滅亡·····	三六
-----	-----------------	----

第二節	英俄侵蝕波斯·····	三八
-----	-------------	----

第三節	阿富汗被英保護·····	四〇
-----	--------------	----

第四節	印度之滅亡·····	四二
-----	------------	----

第五節	南洋之分領·····	四六
-----	------------	----

第六節	埃及之亡·····	四七
-----	-----------	----

第七節	摩洛哥之亡·····	四八
-----	------------	----

第四章 回教民族之共同運動……………五五

第五章 土耳其復興運動……………六一

第一節 國民議會政府成立……………六一

第二節 國民政府之外交……………六六

第三節 小亞細亞希土大戰……………七二

第四節 洛桑和約……………七六

第五節 土耳其民國成立及各種改革……………八二

第六章 舊土耳其境內之民族運動……………九三

第一節 阿剌伯之運動……………九三

第二節	敘利亞之運動·····	九七
-----	-------------	----

第三節	伊拉克之運動·····	一〇〇
-----	-------------	-----

第七章	其他亞洲回教民族之運動·····	一〇六
-----	------------------	-----

第一節	舊俄境內回教國之自治·····	一〇六
-----	-----------------	-----

第二節	波斯之復興·····	一〇七
-----	------------	-----

第三節	阿富汗之復興·····	一一六
-----	-------------	-----

第四節	印度之運動·····	一二〇
-----	------------	-----

第五節	南洋土人之運動·····	一二五
-----	--------------	-----

第八章	非洲回教民族之運動·····	一二八
-----	----------------	-----

第一節	埃及之運動·····	一二八
-----	------------	-----

第二節	摩洛哥之運動	一四三
-----	--------	-----

第三節	塞奴希派之運動	一四七
-----	---------	-----

結言	一五一
----	-----

回教民族運動史

緒言

回教興於西元七世紀，當時東西兩大食，固西方文明之導師也。其後因派別紛歧，民族複雜，各自爲政，而寢即衰微。及歐洲帝國主義者勃興，東方民族，首被蹂躪者，卽爲各回教國。歐戰以前，幾無一真正獨立之國家矣。然回教原以勇敢善戰爲教者，彼等非甘於屈辱也，特未得其時耳。及歐戰勃興，基督教國同室操戈，乃予回教民族以復興之機會。回教民族之運動，雖成敗不一，但其勇敢之精神，有足令西方帝國主義者見之膽寒，世界各族聞之起敬者。茲特就其盛衰興亡之大勢，作回教民族運動史。

第一章 回教民族之興起及其分佈

第一節 回教國之略史

回教原名伊斯蘭教，公元五百七十一年，教祖穆罕默德生于阿剌伯之麥加，年四十時，斟酌猶太基督二教教義，別創一神教，是爲回教之起源。麥加人素奉多神教，斥穆罕默德爲異端，欲殺之，公元六二二年，穆罕默德出奔麥地那，其後回教遂以此年爲紀元元年。

穆罕默德居麥地那八年，熱心傳教，信徒漸衆。公元六三〇年，穆罕默德率教徒攻麥加破之，遂征服四隣，統一阿剌伯半島，開大食帝國之基，歐人謂之薩拉森國。

穆罕默德卒後，阿卜伯克及奧瑪相繼爲教主，稱曰哈利發（卽神嗣之義）繼紹教主之志，布教於四方，以次征服敘利亞、美索不達米亞、破埃及、軍滅波斯國、伊蘭高原之地，遂全入大食版圖，復引

兵東向阿母河以北之地，亦漸爲所有。葱嶺以西唐室之羈縻國，皆入於大食矣。第三世哈利發鄂斯曼，征服非洲北部。教祖之婿阿力繼爲第四世哈利發。西元六六一年，教祖從叔祖翁米亞之裔，弑阿力而自立，建翁米亞朝，益用兵于四方。東征中亞細亞及印度，並侵入天山南路，中亞細亞之佛教先衰，天山南路之人民，亦漸改宗回教矣。翁米亞朝又西攻東羅馬，並取非洲北岸全部，直至大西洋岸，復北越直布羅陀海峽，取西班牙，至公元七五〇年，教祖叔父阿拔斯之裔，滅翁米亞朝，創阿拔斯朝，都報達，是爲黑衣大食，又稱東大食。翁米亞朝之裔，至西班牙建國，都哥爾多華，是爲白衣大食，又稱西大食。阿力之後，以非洲北岸爲根據地，經略埃及等地，西元十世紀之末，立法提瑪朝，是爲綠衣大食，又名南大食，東西南三大食皆獎勵文化，西大食國有圖書至六十萬卷，著述家至三百餘人，時當歐洲黑暗時代，大食爲西方唯一之文明國，歐洲基督教徒，亦有入哥爾多華大學，研求學術者。東大食極重科學，搜集希臘諸大家遺書，譯爲阿剌伯文，星學，數學，醫學，地理學，同時發達。阿拔斯朝建國後七十年，爲薩拉森東帝國極盛時代，壟斷世界商權，東自中國印度馬來半島南洋羣島，西自非洲北岸之伊夫里基加（今法領突尼斯附近）北自亞特河（今俄境內之窩瓦河）南至非洲東岸

之桑給巴爾（今英領）全世界之貨物，皆萃於報達，裏海地中海紅海阿剌伯海印度洋及中國之南海，無不有東大食之商船出沒。大食之領土，既皆屬回教範圍，回教徒於經商以外，亦事傳教，故南洋土人，亦多舍佛教婆羅門教而改宗回教焉。

東大食注重文化，其弊漸流於文弱，國勢日衰，阿剌伯尙武之精神漸失，各地多叛。哈利發乃募突厥人爲禁衛軍，倚爲左右手。其後突厥人遂得志於大食，據地自王，建設伽色尼塞爾桂花刺子模等朝，哈利發僅擁宗教上之虛名而已。其後東大食亡於蒙古，西大食亡於西班牙，南大食亦式微，至土耳其興時，始完全滅亡。

就政治方面言之，大食之興盛，爲時亦暫；而就宗教方面言之，則凡曾爲大食領有之土地，曾受回教洗禮之民族，即永奉回教，決不能強其改宗。故東大食之地，在政治上雖爲突厥人所領有，而突厥人在宗教方面，實爲回教所征服。且大食盛時，印度尙未入回教勢力範圍；自公元一千年頃，突厥伽色尼朝蘇丹馬哈木仲張勢力於印度，嗣後數百年間，印度亦成回教之國家。東大食哈利發雖被蒙古所滅，而欽察察合台伊兒汗等王室，亦皆先後崇奉回教。西班牙地方，雖不爲回教徒所有，但回

教徒實逃往北非，非改宗也。可知薩拉森帝國雖亡，而回教之信仰，則歷久不變，回教之宣布，亦有伸無縮也。

第二節 回教民族之分佈

現今回教徒之總數，及回教徒之分佈，各家統計殊不一律，普通所稱之概數，爲二萬四千萬人。若就五大洲分計之，亞洲最多，凡一萬八千萬，非洲五千三百萬，歐洲六百五十萬，澳洲三十萬，南北美洲二十萬。其人種大概由塞姆哈姆二種合成，其中包含阿剌伯人，都蘭人，土耳其人，雅利安人，蒙古人，摩亞人及其他亞歐非美之各種人。再就各洲分析觀之，則如左表：

一 亞細亞

舊土耳其（包含小亞細亞美索不達米亞敘利亞）

一三、〇〇〇千人

阿剌伯諸國

三、五〇〇

波斯

一〇、〇〇〇

阿富汗

四、〇〇〇

印度

七〇、〇〇〇

法領亞細亞

二、五〇〇

中央亞細亞

一三、〇〇〇

暹羅

一、〇〇〇

中國

三〇、〇〇〇

荷領東印度

三〇、〇〇〇

菲律賓

三〇〇

英領馬來半島等

二、〇〇〇

合計

一七九、三〇〇

二 阿非利加

埃及

一三、〇〇〇

法領非洲

二〇、〇〇〇

摩洛哥

五、〇〇〇

其他

五、〇〇〇

合計

五三、〇〇〇

三 歐羅巴

俄羅斯

五、〇〇〇

巴爾幹諸國

一、五〇〇

合計

六、五〇〇

四 其他

澳洲

三〇〇

美洲

二〇〇

合計

五〇〇

今再就地理方面觀之，亞洲西南部及非洲北部，幾乎盡屬回教徒，其間壤地相接，聲氣相通，則回教民族潛力之大可知。今將重要各地回教徒之百分數列表如左：

國名	人口	回教人數
土耳其	一三、〇〇〇千人	百分之九十五
美索不達米亞	三、〇〇〇	同上
敘利亞	三、〇〇〇	同上
巴勒斯坦	七〇〇	百分之八十
阿剌伯	三、〇〇〇	百分之九十
漢志	八〇〇	全部回教徒
土耳其斯坦	一〇、〇〇〇	同上
中央亞細亞	二一、七六〇	百分之七十
波斯	一〇、〇〇〇	全部回教徒

阿富汗

四、〇〇〇

同上

亞塞爾拜然

四、六五〇

百分之七十五

印度

三二〇、〇〇〇

百分之二十五

埃及

一七、六〇〇

全部回教徒

蘇丹

五、〇〇〇

同上

摩洛哥

五、五〇〇

同上

阿爾日尼亞

八、六〇〇

同上

其他亞非利加各地

一三、〇〇〇

同上

綜觀此表，西亞北非，實回教民族聚集之所也。再就土地狀況言之，南自熱帶，北及寒帶，其中除阿剌伯沙漠及小亞細亞與阿富汗有重山峻嶺者外，概屬氣候溫暖，物資豐富，爲理想上之人類棲息地。生活安舒，不勤而得，而波斯美索不達米亞高加索之石油礦，尤爲近代所重視，故在歷史上，常爲外族垂涎之地。

薩拉森之文明，已成過去之歷史，回教諸族，性雖勇敢而偏于守舊。又同屬回教而派別繁多，各不相恤。是故歐洲諸國，自近數世紀以來，以其帝國主義，乘彼等之酣眠而奪其領土。現今回教民族在基督教國治下者，至一萬五千萬人，而在回教國治下者只五千八百萬人，其他散在他教國者，不過三千萬人。即全回教徒百分之三十六，受基督教徒管轄，只百分之二十四受同教徒之管轄也，而在大戰以前，回教國雖有未隸屬於歐洲列強者，亦皆爲半殖民地。是故核實言之，當大戰以前，雖謂回教民族，全受基督教徒箝制，亦無不可。